



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXVII. Gregorii Papae I. Ad Antonivm Et Dometianvm. De
concordia facta inter ecclesias & monasteria.

urn:nbn:de:hbz:466:1-15221

Et non solum ille ad episcopatus apicem nulla ratione prouehetur, verum etiam vos nullis intercessionibus veniam promereris posse cognoscite, sed omnes quos ex vobis de laica persona aspirasse constiterit, ab officio & a communione alienos faciendo procul dubio noueritis.

EPISTOLA XXVII.

GREGORII PAPÆ I.

AD ANTONIVM ET DOMETIANVM.

De concordia facta inter ecclesias & monasteria.

Gregorius Antonio subdiacono, & Dometiano abbati atque presbytero a paribus.

SIC VIT graue & plenum vituperationis est, inter personas omnipotenti Deo militantes de secularibus negotiis ortam diu controuersiam permanere, ita laudabile & studio est religioso conueniens, terrenis gratam Deo pacem præferre compendiis, & ex rebus transitorii mansura semper caritatis lucra mercari. Et ideo quia de possessiōnibus Faiano, Nasoniano, & Labiniano, positis in prouincia Sicilia territorio Panormitanō, de quibus inter præpositos monasterii sanctorum Maximi & Agathæ, quod Lucusianum dicitur, & e diuerso administratores xenodochii in hac vrbe Roma constituti, quod Valerii nuncupatur, longa se traxit contentio: nunc vero inter te Antonium subdiaconum nostrum memorati xenodochii præpositum, & e diuerso dilectissimum filium nostrum Dometianum abbatem atque presbyterum prædicti monasterii pactis interuenientibus salubris processit, Deo auctore, decisio; necesse est, ut omnis discordia possit occasio præueniri, ea quæ gesta sunt, interueniente auctoritate firmari. Proinde per huius præcepti seriem hoc decernendum esse perspeximus, vt omnia instrumenta, vel quidquid est aliud quod partibus, quod absit, adinuicem contra se venire cupientibus, quoquomodo vel ex temporis præscriptione, seu aliter opem de lege, aut quocumque priuilegio poterat ministrare; sit, sicut & vos poscitis, vacuum & omni virtute cassatum, & sola pactorū inter vos nunc habitorū pagina validum perpetuumque robur obtineat. Cui si quid forte incuria vel imperitia minus firmi-

tatis insertum est, vires plenissimæ munitionis & soliditatis ex hac nostra auctoritate suscipiat, nec superesse aliquid valeat, vnde ea quæ religioso studio prouide, vt oportuit, ac pacifice terminata sunt, ne quocumque tempore quidquam dubietatis incurrant: sed omnia quæ in eisdem partibus tenentur adscripta, firma, illibata, & sine aliqua refractione persistant, quatenus amota penitus totius altercationis materia, inter eos quos caritatis immutabiliter decet manere concordia, nulla queat deinceps litigiosæ contentionis occasio generari. Pro munitione vero suprascripti monasterii memorato Dometiano abbatи atque presbytero præceptum simile dedimus.

Mense Ianuario, indictione secunda.

EPISTOLA XXVIII.

GREGORII PAPÆ I.

AD VENANTIVM EPISCOPVM LVNENSEM.

De contentione Adeodatæ & matris eius.

Gregorius Venantio episcopo Lunensi.

Quæ sit Adeodatæ ancillæ Dei latricis præsentium aduersus Fidentiam matrem suam querimonia, ex pagina petitionis oblatæ, quæ tenetur in subditis, fraternitas vestra cognoscet. Et quoniam aequitatis censura admonet ut maximū conuersis salua ratione episcopale debeat adesse solatium; idcirco his fraternitatē vestram epistolis adhortamur, vt prædictam matrem ipsius ad se faciat euocare, & tranquilla ei adhortatione suadeat, vt facere sponte non desinat, ad quod legali potest ratione compelli; quatenus nec illa affigi, nec ista videatur praetudicium sustinere. Quæ si, quod non credimus, admonitionē vestram differre voluerit, prædictæ Adeodatæ religiosæ contra eam tutionē impendite, atque vestris eam solatiis apud iudicem, vel quocumque usus exegerit, instantius adiuuate. Et ita in exequendam vos hanc causam impendite, vt legali ratione constricta, inuita urgeatur facere quod sponte postponit. Memoratam vero latricem fraternitas vestra ita seruata æquitate habeat in omnibus commendatam, vt vobis ei tutionem impendentibus, in eo quem assumpsit habitu sine aliqua, Deo protegente, concussione permaneat.

Concil. Tom. 13.

M m m m ij